



## Publicaziuns dalla vischnaunca, jamna 39

### Vischinadi Funs-Latis-Clavaniev 7180 Disentis/Mustér

#### Invitaziun

**Radunonza generala gievgia, ils 4 d'october 2018** Restaurant «Cucagna» allas 20.15

#### Tractandas

1. Beinvegni
  2. Elecziun d'in dumbravuschs
  3. Prelecziun ed approbaziun dil protocol dils 16 d'uost 2016
  4. Rendaquen e rapport dils revisurs
  5. Rapport annual dala presidenta
  6. Fixar la taxa annuala
  7. Propostas per candidat/a per l'elecziun din/a gerau/a
  8. Varia
- Cordialmein envida

*La suprastonza*

---

### Vischinadi Segnas/Mumpé Tujetsch

Invitaziun alla radunonza generala da **mardis, ils 9 d'october** allas 20.15 en l'ustria «Cresta» a Segnas

#### Tractandas

1. beinvegni
  2. elecziun dad in dumbravuschs
  3. prelecziun ed approbaziun dil protocol
  4. orientaziun president
  5. rendaquen e rapport dils revisurs
  6. fixar tscheins per diever zona
  7. program da lavur
  8. propostas per candidat/a per l'elecziun d'in/a gerau/a
  9. varia
- Cordialmein envida

*la suprastonza dil vischinadi Segnas/Mumpé Tujetsch*

---

### Referendum facultativ

**Ils 24 d'uost 2018** ha il cussegl da vischnaunca approbau cun 13 encunter 1 vusch in credit supplementar da 119000 francs per preparar la planisaziun dalla sanaziun cumplexsiva dil Center da sport e cultura sin fundament dalla nova summa da baghegiar da ca. 15 milliuns francs. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

*Suprastonza communal*

---

### Controlla da habitonts

#### Mortori

Amalia Fry-Tuor, naschida ils 24 da schaner 1926, morta ils 18 da settember 2018.

---



### Via Faltscharidas–Runfoppa, impediment da traffic

Muort lavurs da construcziun per slargiar il caraun dalla via alla fin dil vitg da Faltscharidas viers Runfoppa ei da quintar cun temps da spetga pil traffic motorisau. Il temps da spetga munta a maximal 30 minutas. Ils impediments serestrenschan durent la jamna naven dallas 7.00–18.00. Per sclariment stat il selvicultur da revier bugen a disposiziun, tel. 081 920 36 41.

Nus supplichein da prender enconuschientscha da quests avis. Bien engraziament per la capientscha. Disentis/Mustér, ils 30 d'uost 2018

*Uffeci forestal Disentis/Mustér*

---

### Taxa da cumpensaziun da pumpiers 2018

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientscha e finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun. Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata. Nus fa-gein attents tut ils students ed emprendists sur 21 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard gliendisdis, **igl 1. d'october 2018** all'administraziun communal, caum postal 57, 7180 Disentis/Mustér ni per e-mail ([rigenelin@disentis.ch](mailto:rigenelin@disentis.ch)). Mo cun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

*Administraziun communal*

---

### Rimnada da pupi

#### Venderdis, ils 5-10-2018

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00). Bien engraziament per Vies agid e sustegn!

*Scolas Mustér, Ch. Berger*

---

### Uniun da gimnastica da dunnas Mustér

Las datas per nossa purschida Line-Dance inaga per meins ein: Gievgia, ils 6 da settember, ils 4 d'october ed ils 8 da november 2018 allas 19.30 el Center da sport Mustér. Nus envidein tuttas interessadas pil sault – vegni tier nus en la halla da gimnastica!

Ei num dall'uniun da gimnastica da dunnas Mustér (tel. 079 672 50 46)

---

### Frauenturnverein Disentis

Die nächsten Daten für das Line-Dance-Angebot einmal im Monat lauten wie folgt: Donnerstag, 6. Sept./4. Okt. und 8. Nov. 2018 um 19.30 Uhr im Center da sport in Disentis. Wir laden alle Tanzbegeisterten ein, bei uns hereinzuschauen. Uniun da gimnastica da dunnas Mustér (Tel. 079 672 50 46)



## Apicultura ed agricultura

**Gievgia, ils 4 d'october**, 20.15 Center sursilvan d'agricultura, Disentis/Mustér. Apicultur e pur lavuran silla cultura: Praus, pastiras, èrs e curtgins fuorman per omisus in impurtont spazi per l'existenza. E tuttina ein lur pretensiuns a quei spazi buca las medemas. Mathias Götti, president dall'uniun d'apiculturs Svizra tudestga e retoromontscha VDRB/Bienen Schweiz, vegn a declarar il connex ed ils conflicts enteifer apicultura ed agricultura. Nus havein lu la pusseivladad da discussiunar sur dils conflicts che sedattan. Bar en stalla naven da 19.30, referat allas 20.15. Entrada libra, collecta.

---

## Colonna d'agid Mustér

### Cuors da reiver per affons

Gia dapi biars onns organisescha la Colonna d'agid Mustér mintga stad cuors da reiver per affons. Per dar era igl atun la pusseivladad da trenar da reiver, vegn organisau duront otg mesjamnas-sera in cuors da reiver per affons dallas annadas 2010 entochen 2006.

Liug: Halla da reiver el Center da sport e cultura, Mustér

Entschatta: **mesjamna, ils 31-10-2018 entochen miez december 2018**. Annadas 2010 entochen 2006, 17.30–19.00

Menaders: Commembers dalla Colonna d'agid Mustér cun brevet. Giuventetgna+sport

Annunzias: Entochen gliendisdis, ils 29-10-2018 alla Colonna d'agid Mustér, Otmar Venzin, tel. 079 381 25 52.

Segirada ei caussa da mintga participont/a.

*Colonna d'agid Mustér*

---

## Café Zeitlos a Mustér

Café Zeitlos – in liug da sentupada per persunas cun ina demenza, per tierparents ed interessai. In liug per passentar in suentermiezdi emperneivel, per s'informar e s'incuntrar. Ei drova negina annunzia. Il Café Zeitlos ei gratuits ed aviarts per tuts. La consumaziun surpren la PUNTREIS Center da sanadad.

### Datums per 2018:

venderdis, 5 d'october

venderdis, 2 da november

venderdis, 14 da december

Dallas 14.00–16.00 en PUNTREIS Center da sanadad, Via Cons 11, 7180 Mustér.

Nus selegrein da Vossa viseta!

---